



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00282 pillugu ulloq 28. oktober 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 23. oktober 2007-imi aalajangiineranni imm. 2a)

Nuummi GU-mut atugassangortitsinissaq

Naalakkersuisut inassutigaaat,

- kontomi pingaarnermi 80.00.00-imi, Sanaartornermut atugassanut agguanneqanngitsunut tunngasumi, aningaasaliissutit 2007-imi 8,5 mio. koruuninik ikilisinneqassasut.
- kontomi pingaarnermi 80.00.01-imi, Nuussinissanut sillimatinut tunngasumi, aningaasaliissutit 2007-imi 0,8 mio. koruuninik ikilisinneqassasut.
- kontomi pingaarnermi 84.40.12-imi, Ilinniartitaanermut sanaartukkanut tunngasumi, suliasamat nr. 060.52.027-imut, Nuummi GU-p allilerneqarneranut tunngasumut, Nuuk, aningaasaliissutit 2007-imi 9,3 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Nuummi GU-p allilerneqarnissaata pilersaarusiornissaanut 1 mio. kr.-inik aningaasaliissuteqarnissaq Aningaasaqarnermut Ataatsimiititaliamit ulloq 31. marts 2007-imi akuersissutigineqarpoq. (Aningaasaqarnermut Ataatsimiititaliap suliaa 07-231) Aningaasaliissutit ”periusissaq 1”-imik taasap ilinniarfiup 750 kvadratmeterimik allilerneqarneranik imaqtartup pilersaarusiorneqarnissaanut tunniunneqarput.

Sanaartugassap ingerlanneqarnissaanut aningaasaliissutissat Naalakkersuisut maanna qinnutigaaat. Pilersaarusiorneq ilanngullugu katillugit 13,7 mio. kr.-inik akeqartumik ilinniarfiup 525 kvadratmeterinik allilerneqarnissaanut aningaasat qinnutigineqarput. Aningaasat taakku ilaat 9,3 mio. kr.-it qinnuteqaatikkut matumuunakkut aningaasalersorneqassapput. Aningaasaliissutissat sinneri 2008-mi aningaasanut inatsisissatut siunnersuummut allannguutissatut siunnersuutikkut atugassiissutigineqassapput.

Ukioqatigiiat marluit 2008-mi meeqqat atuarfiannik naammassinnittussat aallartinnissaanut ilinniarfiup piareersarnissaa Nuummi GU-p allilerneqarnissaani siunertarinqarpoq. Sanaartorerup tamatuma 2008-mi augustimi naammassereersimanissaanik naatsorsuutiginninneq isumalluarpallaartutut aallaallumi piviusorsiunngitsutut ajoraluartumik oqaatigineqartariaqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik taama pilersaarusiornermi kingusinaarpallaarnera Aningaasaqarnermut Ataatsimiititaliap siusinnerusukkut uparuarpa. Ukioqatigiiamma marluit meeqqat atuarfiannik 2008-mi ataatsikkut qimatsinissaanik ajornartorsiut ukiuni arlalissuarni ilisimaneqareerpoq.

Immikkoortumi taama pingaaruteqartigisumi pisorta qarfiup iliuseqanngippallaarnera ataatsimiititaliap aammaarluni uparuassavaa.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit
akuersissutigineqarput.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua